


今縣釋名

柯昌泗署檢



今縣釋名勘誤表

卷葉 縣

一十一 泗縣 舊治下誤點

一十三 豐城 置富城縣下誤點

一十五 宜春 隋誤隨

一十八 奉新 徙江東大族徙誤徒

二六 秣歸 不必因屈原也落因字

二八 新化 宋平大猺洞大猺二字倒

二十一 辰谿 一統志上行曰字

二十六 溧縣 溧古作瀟點在瀟下與粟聲亦相近也粟聲二字倒

二十七 臨榆 大凌河凌誤陵

二十八 蠡縣 後魏以來之博野誤作後魏來之

博以野

二二三 冀縣 北方州從北異聲落州字

卷葉 縣

二二十四 南宮 舊地之名南宮者如故也落南字

二二十六 錦縣 小凌河凌誤陵

二二六 北鎮 鎮醫二字倒

二二八 柳河 遼有柳河縣有誤之

二二八 岫巖 岫與秀同音而訛七字衍

二三十 永吉 改吉林府改誤政

三二 呼蘭 亦作霍倫四字衍

三七 商河 瀾誤滴

三十七 寧陵 高帝下誤點

三三三 澗池 亦名龍池山是也落是也二字

三三五 固始 按漢二字倒

四三 多倫 諾爾二字倒

四九 晉城 三家分晉地上落寰字記三字

四十 晉城 唐人亦據相傳之說以名縣耳誤

作蓋即唐人據以名縣者也

四十六 安邑 隋開皇初下落去南字三字遂改

漢安邑縣為夏縣九字衍

四十九 邵陽 同州下落邵字

五十二 定西 元豐二字倒，改安二字倒

五十三 甘谷 改伏羲為甘谷衍縣字

五十五 武威 故匈奴休屠王地上落漢置二字

五十七 玉門 十三州志落州字

五十四 和闐 本于闐國本誤漢

五十五 布爾根 有布爾根河上落新置二字

五十六 增城 後漢置後誤漢

五十二 茂名 隋以其名名縣名誤二

五十七 柳城 柳州古百越之地上落輿地廣記

四字

六十四 涪陵 唐為涪州落為字

六七 鹽源 國志上落華陽二字

六七 越雋 明為越雋衛清雍正間改廳民國

三年復為縣十八字在應劭曰之

上

六十三 理化 四年二字倒

六十七 元謀 縣有天馬上落會無二字

六十八 玉溪 又置新興州衍析字，改新興為

休納誤作復名休納

六十二 緬寧 民國二年改縣六字在乾隆十三

年置廳之下

六十七 思南 因思印江為名落因字

# 今縣釋名卷四

文登呂式斌允甫

## 熱河省

### 承德

明朶顏泰寧二衛，天順後兀良哈居之，尋併於察哈爾，順治初內屬，雍正元年置廳，乾隆間改府，民國二年改縣，

### 灤平

清置，因灤河爲名，灤河古名濡水，唐始稱灤河，遼名烏灤河，濡音乃官反，同灤，

### 豐寧

清乾隆元年設四旗廳，四十三年改置今縣，縣東地名濟爾哈朗圖，蒙古語安樂所也，水泉甘美，庶草豐蕪，因以得名，

又東北地名阿穆呼朗圖，蒙古語康寧也，縣蓋因二地爲名，

### 隆化

清光緒三十年，析豐寧灤平二縣地，以張三營子地方置縣，現移治皇姑屯，

### 平泉

清雍正七年，設八溝廳，乾隆四十三年改今名，縣爲漢平剛縣地，右北平郡治在此，有拉克拉哈爾泉，溫泉，蒙克泉，

烘郭爾泉，溫冷特泉，努黑圖泉，民國二年改縣，

**凌源**

地爲塔子溝，清置塔溝廳，乾隆四十三年，以廳之西境，置建昌縣，民國三年，改爲塔溝縣，旋改今名，大凌河三源皆

出縣境，南源出喀喇沁右翼南土心塔，會中源克爾，東源牛泉，入朝陽，亦名靈河，卽古白狼水，

**朝陽**

清乾隆四十三年置縣，光緒三十年升府，民國二年復爲縣，縣東有朝陽寺，康熙九年建，縣南古槐山縣西興隆山，又鳳

皇山，卽古之龍山，均有朝陽洞，

**阜新**

清置，由朝陽府劃分，設治水泉地方，轄土默特左右兩旗，

**建平**

清置，由建昌平泉兩縣劃分，故名建平，本北魏營州建德郡地，縣治新邱，轄喀喇沁右旗，

**綏東**

清置，由朝陽府劃分，原治小庫倫，民國十九年，遷入仙洞，轄奈曼庫倫兩旗，

**赤峰**

清乾隆二十九年置縣，光緒三十三年升直隸州，民國二年復爲縣，縣東北四十里，有雞冠山，山石赭色，望若雞冠，故

以赤峰名縣，

**開魯**

新置，本東西札魯特旗，及阿魯科爾沁旗地，開墾置縣，故名，

**林西**

清以巴林察罕木倫河西北地置縣，在巴林旗之西，故名，

**圍場**

本名木蘭圍場，康熙乾隆時秋巡塞外，在此舉行蒐狩之典，清置廳，民國二年改縣，

**經棚**

民國二年，以經棚設治局所轄地方改縣，舊爲喇嘛禱經之處，今棚址猶存，

**林東**

民國十四年，設置墾務局，旋改設治局，今改縣，在巴林旗之東，故名，

**魯北**

民國十三年置設治局，今改縣，在開魯之北，故名，

**天山**

民國十五年置設治局，在開魯之西，附近有天山，因名，

**凌南**

民國二十年，析朝陽凌源兩縣地置設治局，在大凌河之南，

**寧城**

民國二十年，析平泉地置設治局，按元改北京爲大寧路，並改大定縣爲大寧縣，明爲大寧衛，有大寧故城，卽此地，

全寧 民國二十年，析赤峰地置設治局，元初於此置全州，大德元年，升爲全寧府，七年又升爲全寧路，並置全寧縣，明爲全

寧衛

# 察哈爾省

**萬全**

明萬全右衛，康熙三十二年改置縣，本漢代郡延陵地，程恩澤曰，延音征，與延陵異，

**宣化**

唐爲文德縣，金改爲宣德州，旋改宣化州，明爲宣府右衛，清康熙三十二年改縣，

**赤城**

明爲赤城堡，清置縣，有古赤城，相傳蚩尤所居，東有赤城山，山石多赤，古赤城在其上，

**龍關**

唐末置龍門縣，明爲龍門衛，清康熙三十二年復爲縣，民國三年改今名，東北有龍門山，兩山石壁對峙，高數百丈，望

之若門，明置龍門關於此，

**懷來**

漢沮陽縣，北齊置懷戎縣，遼改今名，明爲衛，清復爲縣，

**陽原**

漢置，水經注，灤水自道人來，東逕陽原縣故城南，案縣當以在灤水之陽而名，灤水卽桑乾河，清康熙三十二年，以明

順聖東西二城置西寧縣，民國三年復漢名，



**懷安**

漢上谷郡夷輿縣地，唐末置懷安縣，明改衛，清康熙三十二年復爲縣，

**蔚縣**

後周置州，因蔚汾水爲名，水出山西嵐縣西野雞山，民國二年改縣，

**延慶**

元因仁宗愛育拔力八達生於此，置龍慶州，明隆慶初改延慶，民國二年改縣，

**涿鹿**

漢置，黃帝與蚩尤戰于涿鹿之野即此，帝王世紀云，黃帝所都也，史記索隱云，或作濁鹿，古今字異耳，縣南有涿鹿山

，涿水出焉，元爲保安州，民國二年改保安縣，三年復故名，

**張北**

清初爲張家口路，雍正二年，置張家口廳，民國二年改縣，以在張家口北而名，

**沽源**

本元雲內州之獨石城，城南一石，屹立平地，上廣數楹，有獨石神廟，清爲獨石口廳，民國二年改獨石縣，四年因移治

小河子地方改今名，白河即古沽河，正源隄頭河，出縣西北狗牙山，

**多倫**

有七星潭，在上都牧廠北，蒙語謂之多倫諾爾，清置多倫諾爾廳，民國二年改今縣，

**商都**


本元之上都地，有上都河，即古濡水，清為上都牧場，後訛為商都，今置縣，

**寶昌**

金置昌州，尋改建昌縣，元為寶昌州，後廢，有故寶昌城，今置縣，因以為名，

**保康**

新置



# 綏遠省

## 歸綏

明嘉靖中，蒙古俺答據豐州，是為西土默特，隆慶四年，封俺答為順義王，名其城曰歸化，清雍正元年，置歸化廳，乾隆

元年，置綏遠廳，屬歸綏道，民國元年，歸化綏遠兩廳，均改為縣，二年併為歸化縣，三年改今名，

## 薩拉齊

明為雲內縣，清乾隆四年，置薩拉齊通判，二十五年，改理事廳，同治四年，改直隸廳，民國元年改縣，

## 清水河

有清水河，自平魯入，右合湯溪河，西北逕三叉河，至縣南，明為清水河營，清乾隆元年，置協理通判，二十

五年改理事廳，光緒十年，改撫民通判，民國元年改縣，

## 托克托

漢雲中咸陽二縣地，本托克托城，亦曰脫脫城，明封俺答為順義王，嘉靖間順義王義子恰臺基名脫脫，駐牧此

城，因名，清置廳，民國元年改縣，

## 和林格爾

康熙中置站曰二十家子，蒙語和林格爾，乾隆二十五年置理事廳，光緒十年改撫民通判，民國元年改

縣

## 五原

元和志，漢武帝元朔二年，置五原郡，地有原五所，故號五原，謂龍游原，乞地干原，青領原，可嵐貞原，橫槽原也，

清光緒二十九年，析薩拉齊西境興盛旺，置五原直隸廳，治隆興長，民國元年復爲縣，水經注，九原縣西北接對一城，

蓋五原縣之故城，其城南面長河，北背連山，即陰山也，董祐誠云，故城當在今烏拉特旂之東，近茂明安旂界，據一統

志，九原故城，在烏拉特旂之北，五原在故九原城西，董說非，

## 武川

清置廳，民國元年改縣，因武川水爲名，武川即烏蘭察布源泉，蒙古名其地可以力更，水經注，中溪水發源武川北塞

中，南流逕武川鎮城，又西南歷中溪出山西南流于雲中城北，南入茫干水，案茫干水卽黑水河，元和志，天德軍有武川

城，今名里城，後魏六鎮，從西第三鎮，

## 豐鎮

康熙十四年，徙察哈爾蒙古駐此，有豐城溝，雍正十二年，置豐川衛，及鎮寧所，光緒十年，改豐鎮廳，併故衛所爲名

，民國元年改縣，

### 涼城

清為寧遠廳，民國元年，改寧遠縣，三年改今名，縣為魏涼城郡地，舊治在今縣東北。酈道元曰：鹽池西有舊城，俗謂

之涼城，郡取名焉。鹽池即漢志沃陽之鹽澤，陳澧云，鹽澤今寧遠廳代哈池，

### 興和

元興和路，明初天成衛邊外地，有興和千戶所，光緒二十二年，以豐鎮之二道巡司置廳，民國元年改縣。

### 陶林

漢縣屬雲中郡，一統志，漢故城今朔平縣左雲縣西北塞外，歸化城界內，光緒二十九年，以寧遠之科布爾巡司置陶林廳，

，民國元年改縣，

### 集寧

金縣屬西京路撫州，元縣屬集寧路，明天成衛邊外，清為正黃等四旗牧廠，今復置縣，

### 東勝

隋置勝州，元和志曰，立嘉名也，又云以決勝為名，五代梁貞明二年，契丹阿保機破振武軍，勝州之民，皆趨河東，石

晉初以代北地割屬契丹，因置東勝州於河東，明為東勝衛，清光緒三十二年，置東勝直隸廳，民國元年改縣，地在套內

，即隋唐之勝州，

### 固陽

新置，漢五原郡，東部都尉治穉陽，穉音固，莽曰固陰，是漢時穉亦作固，水經注，河水自宜梁來，東逕穉陽城南，錢站曰，在今榆林府東北，鄂爾都斯界內，黃河北岸，今縣即其地，其戰國魏地之固陽，漢爲穉陽縣，近雲中郡，與此非一地也，清屬烏拉特旗，地名余太河，亦謂舍忒河，

### 包頭

新置，本包頭鎮，屬薩拉齊，

### 大余太

新置設治局，因舊地名，

### 臨河

漢置，水經注，河水自臨澤來爲北河，東逕高闕南，又東逕臨河縣故城北，又南河自臨戎來，東逕臨河縣南，元和志，西受降城，即漢臨河縣故理處，漢縣後廢，今復置，吳卓信曰，今延川縣北，臨河故城，當是晉魏僑置，

# 山西省

## 陽曲

漢置，應劭曰黃河千里一曲，此當其陽，故曰陽曲，按漢縣在今縣東北八十里，距黃河甚遠，不當指黃河言，汾水經縣西南，適當其曲處，或指彼汾一曲言也，顏師古曰，隋文帝自以姓楊，故惡陽曲之號，乃改爲陽直，今則復舊名焉。

## 太原

禹貢所謂既修太原者也，廣雅曰，大鹵，太原也，穀梁傳曰，中國曰太原，夷狄曰太鹵，尙書大傳曰，東原底平，大而高平者，謂之太原，秦置太原郡，郡治爲晉陽縣，隋開皇十年，於并州城中古晉陽，置太原縣，顧炎武曰，太原府在唐爲北都，宋太宗以此地久爲創霸之府，又宋主大火，有參辰不兩盛之說，於是一舉而焚之，今太原府乃三交城，城在舊城東北三十里，亦形勝之地，而太原縣不過唐都城之一隅耳。

## 榆次

漢置，春秋昭八年，石言於晉魏榆，即此，服氏云，魏晉邑，榆州里名也，戰國趙地，史記，趙世家，秦拔我榆次是也，吳卓信曰，汲冢周書，昔烈山氏帝榆次，之後，其國爲榆州，地次相接者爲榆次。



**太谷**

春秋晉大夫陽處父邑，漢爲陽邑縣，西南有太谷山，隋開皇十八年改今名，西

**祁縣**

漢置，春秋時晉邑，祁奚封於此，因爲姓，水經注，太谷水流經祁縣故城南，自縣連延，西接鄆澤，是爲祁藪也，卽爾雅所謂昭餘祁矣，地以祁藪爲名，今縣東南七里，祁城村，有昭餘池，元至元中所鑿，取古昭餘祁爲名，古昭餘祁在

介休界，

**交城**

隋置，縣北有古交城，因以爲名，古交城在故交村，有交河，汾孔二河交流之所，

**文水**

隋置，縣西有文水，出交城北孝文山，一名文谷水，

**嵐縣**

後魏置州，明改縣，界內有岢嵐山，山之陽曰管涔，有嵐水，發源赤堅嶺下，東流入靜樂縣界，

**興縣**

漢汾陽縣地，晉隸新興郡，唐爲合河縣，金升合河縣爲興州，因新興郡爲名，明改縣，

**徐溝**

金置，因徐溝鎮爲名，按徐當爲涂字之誤，一統志，金水河源出太谷，西至徐溝縣入洞澗水，卽古涂水，今榆次西南有